




經進文彙目錄

苑西文彙偶附



卷第一

賦七篇 附三篇

卷第二

頌二篇 附一篇

卷第三

表六篇

卷第四

序九篇

附十一篇

卷第五

記二篇

附七篇

卷第六

跋三篇


附書後一篇 說二篇 跋一篇

臣

高

奏

進



經進文彙目錄

經進文彙目錄終

經進文彙卷第一

苑西文彙偶附

石華歲書

士奇孫恭亦進

東巡賦

并序

鬻及借人

聖天子登極有十年仁風浩蕩德皆雍熙百廢具興萬邦咸理草野之民含哺鼓腹者胥忘

帝力何有也爰念

太祖

太宗創闢金甌永垂謨烈用申禘祀之文兼脩

獮狩之典乃於季秋三日警蹕東巡遐邇

經進文彙卷第一

觀瞻莫不忻抃臣本浙東賤士遊學國雍

猥以微長得蒙

聖賞恭看

儀衛快際昇平敬獻茲賦賦曰

維我

皇之御宇著威德於遐荒握乾剛之獨斷播

帝略之遠揚徵瑞應於河清稟神明之天縱象日

月以無私譬星辰而為頌當

冲齡以立極慎夙夜以凝圖紹精一之微旨昭丕

承之鴻模凜夔夔之孝思著翼翼之昌符河

山清真化澤汪洋道隆今古治軼軒皇緬大業以思艱覩前猷以起敬虛左求言宵衣聽政爰

詔在廷諸臣而言曰禮惟敦本祀重報功惟馨明德宜展厥誠伏念當日庶土罔寧

天命有屬

神武曜靈重襲介冑再擢干旌弓珧解橐矛鋌輝英敦信布義大業克隆摧鋒積紀起於關東迨及

世祖睿哲欽明混一天下被德八紘洗兵閩浙牧

經筵文要卷第一

二

馬燕秦朝無廢政野有淳民斧戈以柙旗麾就卷留意經書斟酌典憲上垂拱而司契下緣督而自勸其創業垂統之何艱也可無申昭報以崇盟薦耶於是涓彼吉辰聿

頒明詔禮卿定儀司空除道肅鸞馭以造征載犧尊而獻

廟當是時也寶鐸鳴秋金盤泥露曙景啓而五色浮彩雲靄而千祥布黃菊散芳於南山紅樹飛聲於北渚

天子乃衣袞服乘青驪環弧矢列熊羆揚輕憶之

芊芊動鳴鑿之噦。颯風飄明庶於九旗。日燭  
朝華於五轡。衝牙錚鏘。明紈絳繚。虎賁前驅。  
龍驤後衛。武侍魚麗。以陪驂文臣。麟遊以端  
袂。歷孤竹之故墟。閱灤河之清潤。陋漢主之  
三垂。薄周王之八駿。莫莫紛紛。洄洄震震。望  
舊都而至止坐。

明堂而受覲。見夫巖巖城郭。赫赫宮闈。寢殿猶  
存。夫巨麗。

陵園式仰。其崔嵬陳烝。嘗於俎豆。奏詔夏於庭階。  
容穆穆以追孝。儀肅肅以告齋。獻牲鬱鬯。瘞

玉燔柴。

皇祖歆而降福。彌萬禩以無涯。是以景星絢朗。佳  
氣呈輝。洪規遠播。

至德同歸。歡騰率土。治洽邦畿。斯固  
至仁無不化。而茂德無不綏也。爾乃

降綸音。備大輅。載雲罕。理秋御。旣祀旣禋。爰遊爰  
豫。顯文武之壯觀。遵山川之廣路。黃幕凝霞。  
朱輪曳霧。軍屯細柳之營。士獻長楊之賦。况  
乃林臯木落。澗戶水清。天高日霽。地闊風生。  
鷹隼擊而七星轉。鵝鸛合而三屬明。流翠旌

於電爚蔭寶蓋以虹擎驅千騎於外圍護萬  
乘於中營網畢以道不事奢矜若夫越遠嶠  
下平原鉤赤豹搏蒼狼角弓鳴而金鏃發駿  
馬馳而苦纓翻朝臨蘭坂暮入華園旣探疾  
苦於四郊益勤惕若於九閩其時居無都鄙  
民無愚慧長幼雜選以交集士女頌斌而咸  
戾躡踵側肩連裳牽袂莫不抃舞於康衢謳  
歌於

聖世超封禪之所遊善梁騶之所著至於醇洪暢  
之猷廣仁慈之惠加勞三王最勤五帝雖有

經進文集卷第一

四

唐虞大夏商周之隆何以侈此哉乃作頌曰  
哲人踐祚兮四海康教澤敷布兮股肱良琛賁麇  
集兮化溥將天章爛熳兮瞻景慶念

聖祖兮不敢忘勞

萬乘兮出明光駕金根兮垂袞裳歷關門兮登寢  
堂陳九成兮奠椒漿文治脩兮武烈揚廟謨  
弘遠兮盡遐方巍巍蕩蕩兮乾坤共長功媿  
堯舜兮德邁武湯太平皞皞兮

萬壽無疆

南苑賦 并序

都城之南二十里別爲苑囿以備春秋遊  
豫之典循舊制也

萬幾有暇時從此閱耕稼講武備焉然其規矩  
制度崇尚樸質不事璿臺瑤水之觀拓緒  
貽統爲量萬世臣生本南鄙長遊北都沐  
帝澤之湛汪閒居知感親

皇居之璀璨願頌無文攷古至治之世有使下  
士獻詩矇誦皎賦者故敢述南苑而爲之  
賦其辭曰

赫赫我

續通文彙卷第一

五

朝世有弘德武創丕基文昭大業著顯承於王  
表紹清和於

帝闕本虞夏之純熙廓宇宙而作京奠百靈之  
景祚撫萬類以維寧巍巍莫喻蕩蕩難名

皇帝體膺上聖運應飛龍萃五行之秀氣邁三代  
之英風日月並其暉麗天地同其包容設神  
理以景俗凜負重以持躬孝敬盡乎

一人光耀被乎八紘合車書於南北來荒甸於西  
東爰啓上林之別館新芳苑之離宮蓋南苑  
者仁虞之舊院地勢之所形與神州以相望

因後苑而爲名爾其繚丹垣之矗矗百六十  
里飛放泊之淙淙七十二處建並軌之巨門  
植千章之茂樹雜天采兮柔荑亂嚶聲兮綿  
羽廣坂長阡迴塘馳路豐宏博敞邇紆交互  
故其俯仰顧盼歸歸燁燁浩浩濯濯此大較  
也若乃虛欄雲構翠幄神行銀鋪青瑣玉礎  
丹楹東置煥室西闢涼庭負朝陽而抗殿擬  
閭闔而連薨其中乃有古槐參楠椈柳栝栝  
夾道蔭衢垂陰布幄葳莎菅蒯戎葵荔芡嘉  
卉玉芻彌臯蔽岡沈牛麈鹿麋羔豕獬狻兔  
臯羊散於叢薄雉鵠鷺鳧駕鵝鷓鷯翹翔煙  
汀暖喋青蒲高臺晾鷹樸逾九成屹然特立  
的爾殊形

翠華時幸流吹喧闐緹帷翼置帟幕紛懸朱炎豔  
夏蒸鬱皆蠲素飈警節皎月宵連固遊豫之  
所萃止旦暮之所往還所以翼順資和滌除  
煩襟而容養

聖德者也至其寒蓬卷夕古木平雲西風匹起瓊  
屑初紛渚蘆迷望天馬嘶羣於是

玉輅興巡鉤陳宿衛樹羽幢幢鳴鑿噦噦貝胄星



羅魚甲煙聚重英曲瑤之飾絕景追風之騎  
虎視龍驤雷鳴電逝申宴鑄之宏規用居安  
而戒事非如甘泉昆明徒以暢遊觀侈威武  
也是以天瑞降地符升澤馬來岐鳳鳴雲潤  
星暉六合咸亨而

上猶孜孜靡忒想周公之戒慕大禹之謨鑑往古  
之規開忠直之路故能掩四海而爲家集遐  
邇以爲歡旣作樂以崇德頌合美於斯干若  
小臣之所紀述奚能盡其一端

懋勤殿秋蘭賦

并序

經筵文墨卷第一

七

玉麻旋秋商飈屆節細梅廣廈之上天宇  
廓清俯仰疎暢時有秋蘭開於內殿密葉  
繁條芳凝紫宙臣侍

御幃新香日握因思蘭生榛澤惟能自發幽  
芬故得納諸殿陛臣士奇本以布衣猥叨  
恩遇內慙薄劣無以自樹上報

聖明有感斯蘭援筆賦之其辭曰

睠此叢蘭性本幽獨不因人而自芳以有香  
而見錄靈均以紉佩寄情燕姑以服媚自卜  
循陔效采蘭之儀脩禊沿執蘭之俗大易則

比臭同心。宣聖則興懷。隱谷結根。灌莽託蔭。  
林麓與衆草以芊眠。亦順時而起伏。晞旭日  
之煦和。濯甘霖之霏霖。紫莖乍發。綠葉纔披。  
散馨陰。岫曜色。陽陂或臨。澗戶或傍。溪湄蓄  
柔貞於九畹。抱潛德於四時。迹雖遐而孤往。  
人豈遠而莫知。於是移栽上苑。列植層霄。鸞  
墀高廣。鳳掖迢遙。敞綺櫳於亭午。啓珠網於  
凌朝。香氣紛敷乎。

黼座芳藹蒸蔚於丹窰。葉鏤翡翠。花簇瓊瑤。麝  
臍葱鬱。縹蒂飄颻。拂朱闌以掩映。倚碧甃而  
招搖。熏圖書而不散。惹衣袖其難消。若夫高  
天雲斂。斜漢雨收。殘虹晚霽。清露晨流。珪月  
朧朧而照夜。金風習習而鳴秋。對澄景以相  
鮮。共素節而俱幽。氣肅彤庭。涼生絳殿。淨拂  
牙籤。徐開寶斲。歡歲序之新成。侍

君王之清燕。羨嘉卉以秋滋。薄凡葩之春薦。堪比  
德於君子之貞。宜嗣美於幽人之選。渥

皇澤以栽培沐

天顏之顧眄。至其靜以自好。和而不同。韜光巖下。  
絢采林中。向蘭皋而蘊綠。被蕙圃以舒紅。激

餘芳於遠薄。極幽致於寒叢。惟其自潔。爲能  
固窮。臨照無私。遐隱必通。雨露之所霑。潤天  
地之所悒。懔旣已登於廊廡。豈尚戀乎蒿蓬。  
願永矢其貞素。期見賞於始終。

喜雨賦

并序

歲在著雍。敦牂林鍾之月。驕陽司令。霖雨  
愆期。旬有餘日。赤輪朗耀。青露涸流。

皇上軫念西成。不遑宵旰。乃於十三日。

頒諭中外。省己責躬。使在廷諸臣。盡言得失。復

於十八日告祀。

園丘

經進文彙卷第一

九

上親行步禱。詔下之日。夜雨汪濊。祭之明日。再  
霈甘霖。遠邇濡足。臣工黎庶。罔不額手稱  
慶。仰瞻

皇。上至德深仁。協於上下。故能昭格。

天心。休徵立應。

臣

士奇。草野鄙人。猥塵侍從。未

有寸長。可備採擇。恭覲。

皇上肅爾齋虔。念深民隱。喜靈雨之弘施。暢恩

波之溥被。乃拜手稽首。而爲喜雨之賦。曰。

臣聞聖人在上品。類咸亨。高居廣漠。默運璣

衡體乾元而出治象陽德而好生寒暑時調  
乎氣候雨暘不失其陰晴萬邦熙和四海化  
成惟此一德通乎太清我

皇御宇十有七年勤民好學法

祖敬

天日臨軒而聽政時止輦而受言繼無爲而立極  
得精一之心傳規模弘大教化昭宣歲時維  
敘水旱無愆邇者北陸初旋南威乍赫氣蒸  
鬱而不舒日暘烈以如炙灼炎景以流金垂  
火雲而爍日嶠樹失青汀蘆減碧慮有礙於  
秋登思大霈乎

經進文彙卷第一

十一

皇澤於是惕然

宸衷肅頒

明詔省躬意切於桑林昌言望深於廊廟指事求  
辭提綱舉要期補益於萬幾濟艱難於遠徼

爰

命祠官蠲彼吉辰犧牲既潔圭璧畢陳  
九重湛穆而致齋百僚蹠躋以妥神誠  
睿慮之必通信

天感之可臻清風隨乎

詔令時雨應乎

絲綸雷聲轟轟而長鳴雲氣靄靄而布均流光若  
練黯霧疑塵始滄渤而沈淹終渙汗而渾淪  
傾積水於銀灣瀉滄波於漢津飄飄瀝瀝漠  
漠填填驟分驟合忽急忽勻施滋潤於四郊  
息煩歎於重閨晚穗漸萎而更結嘉苗將槁  
而頓新歡歲阜於三農慶時休於兆民莫不  
塗欣巷樂戴德歌仁若夫連霏鳳闕散靄龍  
墀奔懸泉於涌雷灑輕瀑於杲愚下露鈿砌  
上拂金支宮槐龍葱而洗翠池卉綽約而含  
姿須臾變幻滅景稱奇文虹直亘於遙空殘  
陽返照於半規

君王迺倚朱闌凭玉几卷湘簾披縠綺高睇蒼穹  
流觀圖史降甘澤於八埏徧膏霖於萬里  
大典宜書

天顏有喜研寶墨以賦詩縱霜毫而落紙言當垂  
誠於來茲可齊輝於前軌於是公卿大夫獻  
納嘉言佐登上理邁

聖德於百王恢

帝圖於億紀金甌玉燭縣

鴻業以無疆彤管瑤編載

重華之光美慙野樸以何知亦自抒其俚鄙

瑞雪賦

并序

歲辛酉嘉平月三日

皇帝自

孝陵回宮是夕大雪質明未止越兩日再雪竟

日夜臣攷雪者五穀之精詩傳有之豐年

之冬多積雪宋武帝時以降雪為嘉瑞語

羣臣曰朕臨御萬民心存百姓如得年登

歲稔即可為大瑞雖獲麟鳳何用焉則是

冬日之雪有關於農事也久矣今兵戈消

弭寰宇寧謐陰陽調燮雨雪以時衢陌歡

謠以為歲豐有兆

皇帝懷保小民之心喜可知矣作瑞雪賦其辭

曰

時在陽潛月維大呂朔氣晨凝寒飈夕舉同

雲黯澹以無垠密雪翻飛而有緒方集霰於

遙空遂紛糅於禁籞葢葢紫漢雜還朱城銀

臺乍構玉樹俄生淋漓散漫皎潔晶瑩入夜

則龍池光映未春而鳳閣花明飄颺萬點總

因風而上下連翩一色盡拂草以縱橫於是  
玉蘂充庭瓊葩滿路畫棟斜飛綺窗暗度高  
如舞鶴低同翔鷺暉掩明蟾光清宿霧平臯  
則萬樹凝華遠岫則千巖競素莊生比貌於  
姑射之神陳王抒情於洛水之賦若其香奩  
墜粉絲柳飛綿玉塵微灑石乳輕懸落梅續  
紛蛺蝶翩躚澤膏下土液潤中田眷彼三農  
表此豐年況乃蜃稜初消鯨波乍滅萬籟無  
驚百靈未茁滋養潛藏凌弭毒蠱

天子方返轡於福泉之陽史臣正載筆於元冬之

節采薇興感於來思黃竹更軫於遺子幽蘭  
柳絮但寄其詠歌班扇曹衣止喻其藻潔未  
有惠禾黍於東菑萃嘉禎於南闕如今茲者  
也夫是之謂瑞雪乃作歌曰蒼雲暮兮雪霏  
霏瀟瀟漠漠兮徧皇畿

深宮五弦停不揮飢寒念我民無依又作歌曰  
玉屑九天瑤霧千里樹不封條人無墮指竹  
柏葱鬱郊原積委肅肅田疇實獲豐美

駕幸闕里賦

并序

隆古之世作君作師理同事壹三代以還

君師之統分矣。夫祖述堯舜，憲章文武，聖人之學。本師帝王，貴貴賢賢，彼此迭尚。君師之理，何嘗不同條共貫哉？漢自高祖，迨於建武，永平、元和、延光之世，唐則乾封、開元，宋則大中、祥符，皆降萬乘之尊，折節草布。議者謂或儉於德，或歉於時，元明遣官祭告，脩舉具文而已。

上以底定之餘，緝熙勤學，詩書之澤，蒸於穹壤。乃復躬祀闕里，昭茲隆軌。今古希邁，儒生幸焉。臣以陋劣，珥筆從

六轡之後，獲觀

經進文彙卷第一

十四

盛典使闕而不書，無以昭我

皇上右文之治。臣滋媿矣。爰拜手稽首而作賦

曰

歲紀闕逢，月臨黃鍾。三辰協極，四野告豐。勞農息力，索蜡報功。暄將迴乎春，谷霜不殺乎寒叢。

天子旣飛旆於江淮之表，旋軫於濟河之封。顧瞻魯邑，畢然其宮。伊素王之舊宅，接青帝之崇墉。森巨峙兮南北，錯相瞰兮西東。爰乃翫翠



鳳翼蒼龍遵修陸景遐蹤絡繹乎其奔會者  
若趨蹌之亞亞疾徐乎其進止者若俎豆之  
雍雍詎探竒於岫嶺類問道於崆峒時則風  
伯斂飈雨師收霖碧蘚承輪丹楓蔭輒日華  
於林霞綺於陌天地爲之而澄宇山川因之  
而絢色折衝攸飛之旅執爰而荷戈出警入  
蹕之臣吟鞭而頌策畢罕遙舒簫笳競集目  
泝兮洙泗之靈源心遊兮金絲之奧室褒成  
之後夾畫輶以拱立四氏之徒羅芳徑以通  
籍結羽葆兮開重闈導鳴鸞兮入聖域陋叔  
孫之禮儀嗤諸儒之故實啓

帳殿以齋居進

行帷而盱食於是乎籌人戒旦表人視明祝人  
潔幣宰人刑牲苾芬兮秬鬯匡敕兮粢盛將  
車服兮在望即履絢兮畢呈焜煌乎碧甃灼  
爍乎朱楹藹藹乎三檜之植赫赫乎七璧之  
銘歷階而進焉矩步而行焉盥洗以致乃敬  
焉釋奠以告乃成焉其禮器則有山壘象勺  
籩實鋼羹合蕭揚燎髮鬣兮神明其樂舞則  
有朱干玉戚鼗鼓匏笙登歌間詠洋溢兮韶

英

上乃紆睿慮之乾乾。湛宸容之穆穆。九流仰鏡。萬古欽躅。銀鉤鐵畫。揭藻彩於日星。珠榜璇題。聳嵒岫於寥廓。交窗之楹霧爭霏。對雷之檐暉欲落。肅寢周廊。重櫺闌。栴仰兮如翬。俯兮若啄。晝徐徐兮杏壇夕。曖曖兮松幄迴。二氣之慘舒。駐千年之晦朔。言憩乎詩禮之堂。載升乎奎文之閣。几策并陳。弦誦可作。莫不開龍顏之一霽。歎鳳德之猶昨。旣徘徊以容與。復諏謀而詢度。迨於緩琴。轡迴玉軫。坐講堂。聯庶

經述文彙卷第

十六

尹念儒林之繁會。矧聖里之標準。

詔子弟以脩鼓篋之儀。儼膠庠而播適鐸之警。葦編並啓。壁書無隱。闡大義兮方昭。續微言兮未泯。琅琅兮

天語。若鐘鏞之初叩。壘壘兮經生。若函丈之羣請。周旋中規。進退惟謹。若夫嶧山之傍。尼山之畛。望五老之峰。而迴車訪坤靈之洞。而結勒。或起或伏。或遠或近。撫往迹以留連。覲遺徽於夢寢。於是乎出自北門。瞻彼中林。想衣冠於馬鬣之道。數封植於兔溝之潯。岱撤壤以

培其厚海飛沫以環其深氣阡阡而奕奕景  
鬱鬱而沈沈其石則有龜趺距丈麟碣摩尋  
翁仲秉笏華表棲禽其木則有文楷攢繡蒼  
柏接陰欂檀布戟粉柞抽簷繚樊垣以爲衛  
戒采拾而靡侵荆不芟兮自翦草皆茁兮成  
琛恍精誠之有格式憑弔之常欽伊神符而  
道合斯豁目而暢心是日也吳風匝地解澤  
彌天屯膏勿壅渙號勤宣既省耕而省斂亦  
議卹而議蠲帝王之轍迴矣聖人之澤存焉  
爰及苗裔世守土田戶復於籍丁免於廛覽

謠俗兮周知乎疾苦歷郡縣兮弗改乎貿遷  
懸寬租於令甲戒索賦於窮埂更乃收白虎  
之幡樹金雞之竿振鷓鷯之武騰蒼赤之歡  
照耀兮廣輪之曦旭霑濡兮率土之垓埏蕩  
蕩乎德乃至魏巍乎功始全粵稽一元肇分  
三才爰立上下定位尊卑別秩惟馭世之弘  
綱與覺民之懿迹理並符乎博載數相嬗乎  
翕闢緬古皇圖咸崇儒術或創緒於兵戈或  
蒙安於宗祏或希心於汰侈或邀譽於潤色  
縱陟降之在庭未炳蔚乎史冊伊

昭代之授錄兮。踵禹範與羲畫。維我

皇之凝祉兮。挈堯尊與舜瑟。綜性道而煥文章兮。

建君師之極則。

養心殿石榴賦

并序

養心殿前古石榴數樹。三百餘年物也。植  
巨盎中。柯幹中空。盤虬奇崛。膚皮臃腫。上  
發鬚枝。開花紅白。紅者千藥相攢。白者結  
實如椀。顆粒晶瑩甘美。獨異宮中。呼爲軟  
子榴。豈張騫西域所攜之種耶。叨直

禁中每蒙

恩賜。謹爲賦之。

經進文彙卷第一

七

爰有若榴。至自安石。隨博望之星槎。邇披香  
之文礪。託靈根於九霄近。

天顏於咫尺。植根孟盎。不記歲年。偃蹇詰屈。虬縵

連蜷。堯碑禹碣。魯鼓秦顛。臨薰風而吐豔。當

早夏而競妍。燦兮若華之燭地。朗兮瑯樹之

參天。傍朱楹而借色。對玉礎以澄鮮。赤兮若

日麗扶桑。白兮若月升蘭殿。繁兮若火齊烘

雲。皚兮若琪林積霰。碎紅綃而成叢。翦冰紈

而作玩。輕白璧於楚宮。棄珊瑚於海岸。燒空

無迹照眼偏明開花絳闕結子瑤京倚博山  
其縹緲當藻井以敷榮洵人間所莫覩亦僊  
界之罕生況乃

雨露所私

恩膏并溢適秋霖之始停正湛露之方滴琢水精  
以爲顆凝天漿以成液含仙醴之瀼瀼綻冰  
珠之粒粒

禁籞清閒直廬永日

賜出瑛盤剖來雕瓠爽比哀梨甘同崖蜜肇芳名

曰軟子祕嘉種於温室勝上闌之新櫻過江

南之苞橘雖欲慎以無言伊難忘於

渥澤

附

液池新柳賦

并序

庚申二月余病臥十餘日始得趨直過太

液池頭見柳色淺翠新黃春漸深矣年光

易擲自余

賜居苑西暄涼幾見感而賦之

春容纔逗天意微和宿眠初醒染翠方搓斜  
臨太液遠映靈和帶宮煙而蕩漾蘸池水以

淪波爾其拂馬未能藏鴉尚淺嫩比黃金陰  
宜翠輦縈紆一抹嫋娜千轉和風時繫惠日  
長暎垂瑣闥其並色傍霓旌而欲展濯枝僊  
人之盤描葉宮娥之剪若乃雨中罨畫霧裏  
輕盈長條堪折弱縷微縈鶯梭來去燕掠縱  
橫礙浮槎於漢渚暗複道於華清度玉關其  
未滿灑朝元以作聲小蠻含羞而解舞少婦  
凝妝而乍驚於時按轡長橋停鞭東岸晨露  
猶含曉煙難泮萋萋依依以親人葉牂牁而似  
慢擬濯濯於王恭羨翩翩於思曼喜張陸之  
交池及機昂之正架於時瞻顧徙倚慷焉以  
思昨猶枯柿今乃柔絲桓攀條而惜往顧望  
秋而知衰懼田需之易拔孰高穎之可期感  
流年之奔駛歎景物之潛移

西苑芙蓉賦

并序

余與桐城張學士同奉入直南書房之

命賜第苑西日騎官馬過玉螭橋見池蓮之春

萌夏榮而秋槁也與學士思效宋延清作

爲秋蓮賦自康熙丁巳迄戊辰冉冉十餘

年筆墨未遂撫歲月之已增感年齒之將

邁歸田有志乞去仍留清秋雨歇倚馬橋  
上俯對茲花能無自媿乃作賦曰

繁茲靈草茁於中川結根沃土擢莖清泉絲  
延廣茂容與連翩挺纖柯兮如蓋敷嫩葉兮  
如錢綴綠房於叢密冒朱葩於漪漣晞朝陽  
兮肆媚映夕月兮增鮮僊霞漾采宿雨滋妍  
爾其鏡開太液景集蓬壺玉井高其十丈華  
墩簇其千苓標嘉植之品超擅水屬之豔殊  
搖婀娜之柔幹卓藹藹之輕跼偶鴛鴦而渚  
伏翔翡翠而巢居或號君子或擬僊姝蕩蘭

橈兮綽約亂羽葆兮紛鋪送虞弦而韻遠傍  
堯階而色腴則有黃頭擊擢錦帶擗枝獻來  
玉帳瑞出柙池雙華駢合五色離披芳齊巖  
桂舒比神芝鏤珊瑚以爲萼琢琅玕以爲規  
洛神凌波而微步湘靈照影而遨嬉跨虹橋  
兮競秀夾龍舟以逞姿傾湛露而珠錯繞慶  
雲而蔭垂乃有闕北同儔苑西羈客聽銅龍  
而趨朝依玉螭而爲宅時陪

鳳輦之遊許探丹青之籍恒出入以頻年覽華  
蕤於祕掖愛初榮之亭亭對晚花之的的麥

雨潤其菁英。槐風扇其蕪。澤況乃金塘隈。隩  
玉潭瀾漫。璇宮右闢。瓊島左盤。御陂鑿翠水  
殿流丹駐。

萬乘之彩騎。奉暇日之弘觀。勝穠華於桃李。婉  
馥郁於芷蘭。景洄流兮託興。俯曲沼兮操翰。  
豈陳根而委翳。徒煙渚與寒湍。洵可以比志  
士之涓潔。非浮躡者所可擬議。於其端也。若  
其溥露零商飈。厲積霑浮秋雲。霽墜故粉於  
紅衣。留輕縹於素帶。籠曉霧兮冰綃。襲殘芳  
兮羅袂。傷四序之屢遷。歎一身之留滯。冷芙蓉  
於鑑湖。遲芰荷於屈製。睽涼節以愴懷。想秋  
江而迢遞。

紅蓼花賦

并序

信天巢階除之下。偶植紅蓼數株。今年夏  
雨。繇密枝葉獨茂。開花甚繁。時余謝

內直。得少休暇。眠食巢中。把書吟詠。意甚愜  
適。秋風起處。落英繽紛。滿簾紅雨。不獨煙  
汀露渚。與此花相宜。即茲所得。不已多乎。  
遂賦之。

惟西清之惕厲。託一枝以自安。乞江湖而未



遂心蹙蹙其無歡。即休沐之閒暇。聊息影而  
盤桓。爰就我居。灑掃一室。閒地丈餘。庶草蒙  
密。中有澤蓼。挺然以出。間以疎籬。繞以卷石。  
相約而搏。不扶而直。異祥桑之驟長。笑女蘿  
之蔓結。飽濃露於檐牙。託孤根於屋北。爾其  
序屬三秋。時維八月。黃條旣肥。紅絲乃揭。綴  
珊瑚以爲鞭。碾丹砂而劑醪。未滿汀洲。先添  
砌隙。翩翩窺宋於東牆。搖搖吟騷於楚澤。若  
夫夕陽倒射。紅穗轉明。夕霞彩於西嶺。亂虹  
影於虛庭。曳桂輪於初晚。接藜火於深更。乃  
其露翻雨打。煙裊風披。茜毯逾豔。紫罽橫施。  
近湘簾以俛仰。映苔徑而逶迤。蔭似千竿之  
竹。生非十畝之池。絳雪隨風而飄舉。白蘋借  
色。其敷腴又何羨。秋江之楓葉。與春澗之芳  
蕙。

